



# MAJLIS BANDARAYA SEBERANG PERAI

TEKS UCAPAN  
YBHG. DATO' AZHAR BIN HAJI ARSHAD  
**DATUK BANDAR SEBERANG PERAI**

SEMPENA  
MAJLIS PENYAMPAIAN HADIAH ANUGERAH  
SEKOLAH HIJAU 2023

TARIKH / MASA / TEMPAT  
**13 DISEMBER 2023 (RABU)**  
**09:30 PAGI**

**DEWAN KENANGA  
MENARA BANDARAYA  
MAJLIS BANDARAYA SEBERANG PERAI  
BANDAR PERDA**

Bismillahir Rahmanir Rahim

Assalamu'alaikum Warahmatullahi Wabarakatuh,

Selamat Pagi dan Salam Sejahtera,

1. Alhamdulillah, bersyukur ke hadrat Allah S.W.T. yang telah melimpahkan rahmat dan hidayahnya untuk kita dapat bersama-sama berkumpul pada petang yang berbahagia ini dalam **Majlis Penyampaian Hadiah Seni Kolam Berasaskan Barangan Kitar Semula Tahun 2023 Sempena Hari Perayaan Deepavali** di Dewan Datuk Haji Ahmad Badawi, Butterworth.
2. Terlebih dahulu, ucapan penghargaan dan terima kasih kepada Pengarah Urusan Continental Automotive Components Malaysia Sdn. Bhd. serta pasukan yang menjalinkan kerjasama strategik dengan MBSP dalam usaha-usaha kitar semula secara khususnya dan pemuliharaan dan pemeliharaan alam sekitar di Seberang Perai secara amnya. Saya amat mengharapkan agar kerjasama strategik ini dapat diteruskan dari semasa ke semasa dalam pelaksanaan pelbagai program MBSP di Seberang Perai.
3. Untuk makluman semua, Continental Automotive Components (Malaysia) Sdn. Bhd. adalah merupakan rakan strategik sejak tahun

2010 lagi dalam penganjuran dan penajaan Program Sekolah Hijau di Seberang Perai. MBSP amat berterima kasih kepada Continental Automotive Components (Malaysia) Sdn. Bhd. dan kakitangannya di atas sokongan padu yang berterusan dalam memperkasakan pendidikan dan kesedaran pemeliharaan dan pemuliharaan alam sekitar di kalangan murid-murid di sekolah-sekolah di Seberang Perai.

4. Terlebih dahulu, saya mewakili semua wargakerja MBSP, mengalu-alukan kehadiran pelajar-pelajar dan guru-guru sekolah-sekolah hijau di Seberang Perai yang mengambil bahagian dalam Pertandingan Anugerah Sekolah Hijau.
5. Saya mengucapkan Tahniah kepada Jabatan Perkhidmatan Perbandaran MBSP yang berjaya menganjurkan Majlis Penyampaian Hadiah Anugerah Sekolah Hijau 2023. Tahun ini, sebanyak 47 buah sekolah di Seberang Perai telah mengambil bahagian dalam Pertandingan Anugerah Sekolah Hijau.
6. Anugerah Sekolah Hijau ini diadakan setiap tahun untuk mempergiatkan mempergiatkan usaha untuk menggalakkan dan memberi kesedaran kepada orang ramai, khususnya pelaja-pelajar sekolah tentang kepentingan penjagaan alam sekitar.

7. Penilaian yang dibuat adalah berdasarkan kriteria-kriteria seperti kecekapan sumber asli (penjimatan tenaga elektrik, pemuliharaan dan penjimatan air; kecekapan sumber), inovasi dan kreativiti, kebersihan dan penghijauan, dan penglibatan komuniti.
  
8. Hadiah dibahagikan kepada dua kategori iaitu sekolah menengah dan sekolah rendah. Pemenang akan membawa pulang hadiah berupa wang tunai dan sijil penghargaan. Jumlah penajaan hadiah bagi kategori sekolah menengah ialah RM11,200.00 dan bagi kategori sekolah rendah ialah RM16,100.00 Jumlah keseluruhan hadiah penajaan ialah sebanyak RM27,300.00.
  
9. Diharap melalui program Anugerah Sekolah Hijau ini pihak sekolah sentiasa berusaha secara berterusan bersama MBSP dalam merealisasikan '*Smart Consumption*' model bagi *Sustainable Development Goals 12 & 13* iaitu *Responsible Consumption & Production dan Climate Action*. Selain itu, pihak sekolah juga diharap dapat menekankan pendekatan secara holistik bagi pengurusan alam sekitar terhadap para pelajar dalam mewujudkan sebuah bandaraya rendah karbon yang berdayahuni, dalam menzahirkan, "***Seberang Perai Resilient, Inklusif, Hijau Dan Kompetitif***".

**Sekian, terima kasih.**

***Wabillahi Taufik Wal Hidayah, Wassalamualaikum Warahmatullahi***

***Wabarakatuh.***